

鍼灸集成

庚午夏日
查文芳題

鍼灸集成卷三經穴詳集

手太陰肺經

共十穴

中府

在周榮上二寸少外開三分去中行
六寸鍼三分留五呼灸三壯五壯

主治肺急胸滿喘逆善噎食不下肺膽寒熱欬嘔膿血肺風面
腫汗出肩息背痛涕濁喉痺少氣不得臥飛尸遁注癭瘤○此
穴主瀉胸中之熱其治多與大杼缺盆風府同○身體煩熱鍼
中府上氣欬逆短氣氣滿食不下灸五十壯千金同意舍能治胸

滿哽噎

百證賦

雲門

在巨骨穴下四寸微向內橫氣戶二寸璇璣旁六寸大些
鍼三分灸五壯鍼太深令人逆息甲乙灸五十壯千金

主治傷寒四肢熱不已欬逆短氣上衝心胸脅肋煩滿徹痛喉

痺癭氣臂不得舉○此穴主瀉四肢之熱其治與肩髃委中腰

俞大同○病癭上氣胸滿灸百壯

千金

天府

距腋下三寸在臂上前廉直對尺澤相距七寸半鍼四分留三呼禁灸灸之令人氣逆

主治暴痺內逆肝邪相搏卒中惡風邪氣血溢口鼻飛尸鬼注
惡語悲泣善忘喘息不得安臥痰瘧寒熱目眩癭氣○身重嗜
臥不自覺灸五十壯鍼三分補之病癭惡氣灸五十壯

千金兼合

谷可追鼻中衄血

百證賦

俠白

在尺澤上五寸大些鍼四分留三呼灸五壯

主治心痛氣短乾嘔煩滿

尺澤

在肘中約紋上屈肘橫紋筋骨罅中動脈應手厥陰前直寸口鍼三分留三呼灸三壯五壯甄權云不宜灸

主治嘔吐上氣喉痺鼓頷心煩身痛不得汗舌乾欬唾膿血心痛氣短肺積息賁痰瘧汗出中風肩背痛灑淅寒熱風痺肘攣四肢腫痛不得舉脅痛腹脹小便數溺色變遺失無度面白善噉悲愁不樂及小兒慢驚風可灸一壯○邪病四肢重痛諸雜候尺澤主之一名鬼堂嘔吐上氣灸三壯七壯氣短不語灸百

壯

千金

理筋急兼曲池療肘臂攣痛

玉龍賦

吐血定喘須補此穴

靈光

賦

治五般肘痛又須鍼清冷淵以收功

席弘賦

孔最

在腕上七寸尺澤下三寸半鍼三分留三呼灸五壯

主治熱病汗不出灸三壯卽汗出及欬逆肘臂痛屈伸難吐血失音頭疼咽痛

列缺

在腕後一寸五分行向外鉞二分
留三呼灸三壯慎酒麵生冷等物

主治偏風口眼喎斜手肘痛無力半身不隨口噤不開痲瘧寒
熱煩躁欬嗽喉痺嘔沫縱脣健忘驚癇善笑妄言妄見面目四
肢癱腫小便熱痛實則肩背暴腫汗出虛則肩背寒慄少氣不
足以息四肢厥逆瘕癥尸厥若患偏風灸至百壯若患腕勞灸
七七壯甚妙○男子陰中疼痛尿血精出灸五十壯金兼太淵
治欬嗽風痰玉龍賦頭部痛須尋之痰涎壅塞咽乾宜此賦江氣
刺兩乳求太淵未應須瀉此穴偏正頭疼求此又須重瀉太淵
無不應席弘賦堪治欬嗽寒痰通立賦頭項須尋列缺四總後谿并
列缺治胸項有痛金善療偏頭患偏身風痺麻痰涎頻上壅口

噤不開牙若能明補瀉應手疾如拿

馬丹陽

經渠

在腕後五分居寸脈上鍼三分
留三呼禁灸灸則傷人神明

主治瘧瘧寒熱胸背拘急膨脹喉痺欬逆上氣數欠傷寒熱病

汗不出心痛嘔吐○兼大都治熱病汗不出

百證賦

太淵

在寸口前橫紋上與經渠甚
近鍼二分留二呼灸三壯

主治胸痺氣逆欬嗽嘔噦飲水肺脹喘息不休噫氣欬血心痛

咽乾煩躁狂言不得臥目痛生翳赤筋口噤缺盆痛肩背痛引

臂膊溺色變遺失無度○治牙疼手腕無力疼痛可灸七壯

神農

經兼列缺治欬嗽風痰

玉龍賦

治氣刺兩乳求太淵未應之時鍼

列缺偏正頭疼尋列缺重瀉太淵無不應五般肘痛尋尺澤太

淵鍼後卻收功

賦席弘

魚際

在太淵上一寸少大指本節後內側陷中本者根也乃掌內肉中骨節非手指外節鍼二分留三呼灸三壯

主治酒病身熱惡風寒虛熱舌上黃頭痛欬噦傷寒汗不出痺走胸背痛不得息目眩煩心少氣寒慄喉咽乾燥嘔血唾血心痺悲恐腹痛食不下乳癰肢滿肘攣溺出及瘡方欲寒鍼手足太陰陽明出血○兼承山崑崙治轉筋目眩賦席立兼液門能治喉痛賦百證兼經渠通里可治汗不出者便得淋漓更兼三間三里便得汗至徧身傳一齒痛不能食飲左患灸左右患灸右男三

女四

少商

大指外側去爪甲角如韭葉鍼一分留三呼五吸宜用三稜鍼刺微出血洩諸臟之熱不宜灸甲乙經云灸一壯一云三

壯忌
生冷

主治項腫喉痺煩心嘔噦心下滿汗出欬逆痰瘡振寒腹脹腸
滿雀目不明唇乾唾沫引飲食不下寒慄鼓頷手攣指痛小兒
乳蛾○唐刺史成君綽忽項腫如升喉閉水粒不下甄權以三
稜鍼刺之微出血立愈○此爲十井穴凡初中風卒暴昏沈痰
涎壅盛不省人事牙關緊閉藥水不下急以三稜鍼刺此穴及
少衝中衝關衝少澤商陽使血氣流行乃起死回生急救之妙
穴乾坤
生意男子痲痺取少商太乙
歌兼曲澤治血虛口乾百證
賦專治
指痛攣急天星
祕訣

十二經脈流注腧穴

十二經者手三陽所節者神氣之所遊行出入也非皮肉筋骨之
交三百六十五會所言節者神氣之所遊行出入也非皮肉筋骨之
也又曰神氣者正氣也神氣之所遊行出入也非皮肉筋骨之
合者本輸也靈樞○十二經一脈也略為十二分而已也東垣

手太陰肺經流注

手太陰之脈起於中焦中府穴下絡大腸環行少陰心主之膈屬肺從肺
系橫出腋下同下天府穴下循臑內肩下臂上通名曰臑行少陰心主之膈屬肺從肺
臂上臑下緩處曰肘即尺澤穴循臂內臑下掌上名曰臂臂有二骨上骨下廉入寸口經渠穴太
淵穴上魚循魚際魚際穴出大指之端少商穴其支者列缺穴從腕後直出
次指內廉出其端交入手陽明是動則病肺脹滿臑脇而喘咳缺盆中
痛甚則交兩手而瞀此謂臂厥是主肺所生病者咳嗽上氣喘喝
煩心胸滿臑臂內前廉痛厥掌中熱氣盛有餘則肩背痛風寒汗
出中風小便數而欠氣虛則肩背痛寒少氣不足以息盛者寸口
大三倍於人迎虛者則寸口反小於人迎也靈樞○
每朝寅時從中府起循臂下行至少商穴止入門

手太陰肺經左右凡二十二穴

少商二穴

在手大指端內側去爪甲角如韭葉手太陰脈之所出
為井鍼入一分留三呼瀉五吸禁不可灸銅人○出血

以瀉諸臟熱湊○之熱靈樞○以三稜鍼刺之微出血泄
諸臟熱湊○之熱靈樞○以三稜鍼刺之微出血泄

魚際二穴 所在手大指本節後內側散脈中手太陰脈之
所流為榮鍼入二後分留三呼禁不可灸入門

太淵二穴 一名手太陰在手掌後橫紋頭陷中一云在魚後一寸陷
者中手太陰脈之所注為腧鍼入二分可灸三壯銅人

經渠二穴 在寸口脈中手太陰脈之所行為經鍼入二
分留三呼禁不可灸灸脈之則傷人神銅人

列缺二穴 在手太陰絡上一寸五分以手交叉中指末兩節兩骨罅
中去腕側上則走陽明鍼入二分留三呼瀉五吸可灸

七壯
資生

孔最二穴 在側腕上七寸可宛宛中手太陰
之郄鍼入三分可灸五壯銅人

尺澤二穴 在肘約紋中銅人○在臂屈伸橫紋中筋骨罅陷中又云紋上
動脈中綱目○在臂屈伸橫紋中筋骨罅陷中又云紋上

中約上兩分筋動脈中資生○手太陰脈之所入為
合鍼入三分可灸五壯銅人一云不宜灸入門

俠白二穴 在天府下在肘上五寸動脈
中鍼入三分可灸五壯銅人

天府二穴

取之腋入三寸臑臂內廉動脈中舉手以鼻

雲門二穴

在巨骨下挾氣戶傍二寸陷中動脈應手舉臂取之銅人○在骨下迎下第二骨間相去二寸四分資生○可灸

五壯鍼入三分刺深則使人氣逆故不宜深刺甲乙

中府二穴

肺之募也一名膺中膺在雲門下一寸陷中乳上三分留

三呼可灸五壯銅人

手陽明大腸經

共二十穴

商陽

在手食指內側去爪角如韭葉鍼一分留一呼灸三壯

主治胸中氣滿喘欬熱病汗不出耳鳴耳聾寒熱痰瘧口乾頤

腫齒痛目盲惡寒肩背肢臂腫痛相引缺盆中痛灸三壯左取

右右取左如食頃立已○兼太谿治寒瘡有驗

百證賦

○此爲十

井穴凡初中風跌倒卒暴昏沈痰盛不省人事牙關緊閉藥水不下急以三稜鍼刺此穴及少商中衝少衝使血氣流通乃急

救回生之妙穴

乾坤生意

一閒

在食指本節前第三節後紋頭陷中鍼三分留六呼灸三壯

主治頷腫喉痺肩背臄痛𦦨𦦨齒痛目黃口乾口眼𦐇斜飲食

不通振寒傷寒水結○治牙疼妙

玉龍賦

兼陽谿治牙疼腰痛咽

痺

席弘賦

兼陽谿能疏通寒慄惡寒

百證賦

治目昏不見

通玄賦

兼三

里治牙疼頭痛喉痺

天星祕訣

三閒

在食指本節後陷中去二閒一寸鍼三分留三呼灸二壯

主治𦦨𦦨熱病喉痺咽中如梗下齒齲痛嗜臥胸腹滿腸鳴洞

泄寒熱瘧脣焦口乾氣喘目眚痛善驚寒熱結水多唾○兼腎

俞善除背痛風勞

賦 席弘

兼攢竹治目中之漠漠

賦 百證

治身熱氣

喘口乾目急

經捷

合谷

在手大指次指岐骨間陷中動脈應手鍼三分留六呼灸三壯

主治傷寒大渴脈浮在表發熱惡寒頭痛脊強風疹寒熱痲瘧熱病汗不出偏正頭痛面腫目翳脣吻不收瘡不能言口噤不

開腰脊引痛痿躄小兒乳蛾○一云能下死胎婦人妊娠補合

谷卽墮胎○產後脈絕不還鍼合谷入三分急補之

千金

治鼻衄

目痛不明牙疼喉痺疥瘡可灸三壯至七壯

神農經

傷寒無汗瀉

合谷補復溜若汗多不止便補合谷瀉復溜神效

攔江賦

兼太衝

治手連肩脊痛難忍兼曲池治兩手不如意睛明治眼若未效

合谷光明不可缺冷嗽先宜補合谷又須鍼瀉三陰交席弘賦兼

天府治鼻衄百證賦兼三陰交治脾病血氣兼內庭治寒瘧面腫

及腸鳴天星祕訣面口合谷收四總穴曲池兼合谷可徹頭疼金療頭

疼并面腫瘧病熱還寒體熱身汗出目暗視茫然齒齲鼻衄血

口噤不開言鍼入五分深能令病自安馬丹陽

陽谿在手腕橫紋上側兩筋間陷中直合谷鍼三分留七呼灸三壯

主治狂言喜笑見鬼熱病煩心掌中熱汗不出目赤爛翳厥逆

頭痛胸滿不得息寒熱痰瘧嘔沫喉痺耳鳴齒痛驚掣肘臂不

舉痂疥○兼二閒治牙疼腰痛喉痺席弘賦兼解谿治驚悸怔忡

兼肩髃能消癰風之熱極

百證賦

偏歷

腕後三寸鉞三分
留七呼灸三壯

主治痲瘧寒熱癰疾多言目視眈眈耳鳴喉痺口舌咽乾鼻衄

齒痛汗不出○鉞偏歷利小便治大人水蠱

標幽賦

溫溜

腕後五寸鉞
三呼灸三壯

主治傷寒噦逆噫隔氣閉寒熱頭痛喜笑狂言見鬼吐沫口舌
腫痛喉痺面虛腫腸鳴腹痛四肢腫疼肩不得舉○兼期門治

傷寒項強

百證賦

下廉

腕後六寸行微向外曲池下
四寸鉞五分留五呼灸三壯

主治勞瘵狂言頭風痺痛飧泄小腹滿小便血小腸氣面無顏

色痲痺腹痛不可忍食不化氣喘涎出乳癰○此穴主瀉胃中之熱與氣衝三里巨虛上廉治同

上廉

腕後七寸曲池下三寸三里下一寸微外些鍼五分灸五壯

主治腦風頭痛喘息半身不遂腸鳴小便濇大腸氣滯手足不仁○此穴主瀉胃中之熱與氣衝三里巨虛下廉治同

三里

曲池下二寸腕後八寸鍼三分灸三壯

主治中風口癖手足不隨五勞虛乏羸瘦霍亂遺失失音齒痛頰腫癰癰手痺不仁○此穴治腰背痛連臍不休下鍼麻重須瀉得氣不用留手足上下鍼三里食癖氣塊憑此取席弘賦兼少

海治手臂麻頑

百證賦

專治肩背痛

通玄賦

曲池

在肘外側橫紋頭鍼七分
留七呼灸三壯一云百壯

主治傷寒振寒餘熱不盡胸中煩滿熱渴目眩耳痛癰癰喉痺

不能言癰癰疾繞踝風手臂紅腫肘中痛偏風半身不遂風

邪泣出臂膊痛筋緩無力屈伸不便皮膚乾燥痂疥婦人經脈

不通○治手肘臂膊疼細無力半身不遂發熱胸前煩滿可灸

十四壯

神農經

兼人中可治痿仆兼尺澤治肘痛

玉龍賦

兼肩井甄

權鍼臂痛而復射

標幽賦

遠達陽陵治半身不遂兼少衝治發熱

驗

百證賦

兼合谷治兩手不如意

席弘賦

治癰惡氣諸癰疹灸隨年

壯十三鬼穴此名鬼臣若遇百邪癰狂當於第十二次下火鍼

此與合谷可徹頭疼

千金

主大人小兒徧身風疹痂疥

秦承祖

善治